

**Talamdan sa
Mga Mensahe alang sa Full-time Training
sa Fall Term sa 2022**

**LINANGKOB NGA HISGOTANAN:
MAGKINABUHI DIHA SA REALIDAD SA LAWAS NI CRISTO
SA PAGKAT-ON KANG CRISTO MAINGON NGA NAA NI JESUS ANG REALIDAD**

Mensahe 5

**Magkinabuhi diha sa Realidad sa Lawas ni Cristo sa Pagkinabuhi sa Pagpangalagad
sa Ginoo uban sa Mga Sulod ug Mga Paagi sa Pag-alagad Niya sa Ebanghelyo**

Basahong Kasulatan: Mar. 1:14—3:6

- I. Ang kinabuhi sa Ginoo maoy buhat Niya, lihok Niya, ug pagpangalagad Niya; ang buhat Niya maoy pagkinabuhi Niya, ug ang lihok Niya maoy pagkamao Niya; walay kalainan tali sa Iyang kinabuhi, buhat, lihok, ug pagpangalagad; gikinabuhi ni Ginoong Jesus ang Iyang pagpangalagad—itandi sa Luc. 22:26-27; Juan 10:10b; 1 Cor. 15:45b; 1 Juan 5:16a; 2 Cor. 3:6; Fil. 1:25.**
- II. Kinahanglan makakita ug makasulod ta sa realidad sa mga sulod sa kahibulongan ug maayo kaayong pag-alagad sa ebanghelyo sa Ulipon-Manluluwas—Mar. 1:14-45:**
 - A. Ang unang gibuhad Niya sa pag-alagad Niya sa ebanghelyo mao ang pagmantala sa ebanghelyo—vv. 14-20:
 1. Si Cristo mismo, lakip na ang tanang kahikayang giagian Niya ug ang tanang buhat sa katubanan nga nahuman Niya, mao ang sulod sa ebanghelyo—vv. 1-8; Mal. 3:1-3; itandi sa 4:1-2.
 2. Ang pagmantala Niya pagpahibalo man sa malipayong balita sa Dios sa makaluluoyng katawhan nga nagapos; ang pagpanudlo Niya (Mar. 1:21-22) paghayag man sa diosnong kahayag sa kamatuoran sa mga walay alamag nga naa sa kangitngitan.
 3. Nagpasabot og pagtudlo ang Iyang pagmantala, ug nagpasabot og pagmantala ang Iyang pagtudlo—Mat. 4:23; Mar. 1:38-39; 3:14, 6:12; 14:9; 16:15, 20.
 - B. Ang ikaduhang gibuhad Niya sa pag-alagad Niya sa ebanghelyo mao ang pagpanudlo sa kamatuoran—1:21-22:
 1. Ang kamatuoran mao ang paghayag sa diosnong kahayag sa mga kamatuoran sa Biblia aron isalida ang langitnong panan-awon niadtong mga kamatuorana nganhi sa atong pagkatawo—Juan 8:12, 32, 36; 1:4; 14:6a.
 2. Ang pagpanudlo sa Ginoo sa kamatuoran (Mar. 2:13; 4:1; 6:2, 6, 30, 34; 10:1; 11:17; 12:35; 14:49) pagpagula man sa mga tawo gikan sa satanasnong kangitngit ngadto sa diosnong kahayag (Buh. 26:18); ang Ulipon-Manluluwas, nga kahayag sa kalibotan (Juan 8:12; 9:5), niabot ingog dakong kahayag sa Galilea, sa yuta sa kangitngit, aron mohayag sa mga tawong nanglingkod sa landong sa kamatayon (Mat. 4:12-16).
 3. Ang pagpanudlo Niya nagpagula sa pulong sa kahayag nga naghayag sa mga naa sa kangitngit sa kamatayon aron madawat nila ang kahayag sa kinabuhi (Juan 1:4).
 - C. Ang ikatulong gibuhad Niya sa pag-alagad Niya sa ebanghelyo mao ang paghingilin sa mga demonyo sa mga tawong gilukoban niini—Mar. 1:23-28:
 1. Ang paglukob sa mga demonyo sa mga tawo nagtimaan sa pag-okupar ni Satanas sa tawo, nga gilalang sa Dios alang sa Iyang tuyo.
 2. Nianhi si Ginoong Jesus aron sa paglaglag sa mga buhat ni Satanas (1 Juan 3:8), ug ang paghingilin Niya sa mga demonyo (Mar. 1:34, 39; 3:15; 6:7, 13; 16:17) aron man makagawas sila sa pagkagapos nila ni Satanas (Luc. 13:16), sa pagbulot-an ni Satanas sa kangitngitan (Buh. 26:18; Col. 1:13), ngadto sa gingharian sa Dios (Mar. 1:15).

- D. Ang ikaupat nga gibuhat Niya sa pag-alagad Niya sa ebanghelyo mao ang pag-ayo sa mga masakiton—vv. 29-39:
1. Bunga sa sala ang balatian ug ilhanan kini sa dili normal nga kahimtang sa tawo atubangan sa Dios; giayo sa Ginoo ang masakitong kahimtang sa mga tawo ug gipanormal sila aron makaalagad Niya—v. 34; 3:10; 6:5, 13, 56; Sal. 103:1-22.
 2. Makat-on unta ta sa pagsangyaw sa ebanghelyo ug pagpanudlo sa kamatuoran sama sa mananambal, nga mohatag sa mga tawo og langitnong reseta ug diosnong tambal aron mangayo sila—Mat. 9:11-13; Luc. 10:33-37; itandi sa Prov. 4:20-23; Exo. 30:25.
- E. Ang ikalimang gibuhat Niya sa pag-alagad Niya sa ebanghelyo mao ang paghinlo sa sanlahon—Mar. 1:40-45:
1. Nagtimaan ang sanla sa sala sa pag-alsa, sa seryosong sala nga naggikan sa sulod sa tawo, sama sa sala nga tinuyo, sa sala sa pagbuotbuot, ug hugot gyong pagsupak sa Dios—1 Juan 3:4; itandi sa Isa. 14:12-15; Lev. 13:2; 14:9.
 2. Segun sa makita sa mga hitabo nila ni Miriam (Num. 12:1-10), Gehazi (2 Hari 5:20-27), ug Uzias (2 Cron. 26:16-21), resulta ang sanla sa pagsupak sa pagbulot-an sa Dios, sa tinugyanang pagbulot-an sa Dios, sa regulasyon sa Dios, ug sa pamatigayon sa Dios.
 3. Aron mahinlo ang sanlahon, “kiskison niya ang tanan niyang balhibo; kiskisan niya ang iyang ulo ug ang iyang bungot ug ang iyang mga kilay, bisan ang tanan niyang balhibo”—Lev. 14:9a:
 - a. Nagtimaan ang buhok sa himaya sa tawo sa pagpasundayag sa kaugalingon; ang bungot, sa dungog nga giangkong sa tawo; ang mga kilay, sa mga pagkamaayo kaayo, mga katakos, ug mga maayong gawi nga naggikan sa natural niyang pagkahimugso; ug ang tanang balhibo sa lawas, sa natural nga kusog ug kahimoan sa tawo.
 - b. Busa, ang pagkiskis sa tanang balhibo pareha ra sa pagwala sa kaugalingon ug sa himaya sa tawo, dungog sa tawo, katahom sa tawo, ug natural nga kahimoan sa tawo pinaagi sa “labaha” sa krus; kon wala na tay atoa ug wala na, mahinlo na ta—Gal. 6:3.

III. Nagpakita ang lima ka hitabo nga girekord sa Marcos 2:1—3:6 sa lima ka maluluy-on ug buhing paagi nga gigamit sa Ulipon-Manluluwas sa pagbuhat sa pag-alagad Niya sa ebanghelyo:

- A. Ingon nga Dios nga dunay diosnong pagbulot-an, gipasaylo Niya ang mga sala sa nabiktima sa sakit aron ikapahigawas Niya siya sa pagdaugdaog ni Satanas (Buh. 10:38) ug ipahiuli siya sa Dios; giisip kini sa mga escriba nga supak sa teolohiya sa ilang relihiyon (Mar. 2:1-12):
1. Dios-Manluluwas ug Ulipon-Manluluwas si Ginoong Jesus, nga dunay pagkadios ug pagkatawo; dili lang nga makaluwas Siya sa mga makasasala, duna sab Siyay pagbulot-an nga mopasaylo sa ilang mga sala—Luc. 5:21, 24.
 2. Kanang mapasaylo ang atong mga sala makapahadlok (Sal. 130:4) ug makapahigugma nato sa Dios (Luc. 7:36-50); sa kaluwasan sa Ginoo dili lang nga gipasaylo Niya ang atong mga sala, kondili gipatindog ug gipalakaw sab ta Niya, gipa-“lakaw sa kalinaw” (v. 50), ug “lakaw, ug sukad karon ayaw na pagpakasala” (Juan 8:11).
- B. Isip Mananambal sa nasakit ug makaluluoyng mga tawo, nakigsalo Siya sa pagkaon sa mga maniningil sa buhis ug sa mga makasasala aron makasinati sila sa kaluoy sa Dios ug mahiuli sa pagpahimulos Kaniya; gihukman kini sa mga nagmatarong-sa-kaugalingon apan walay kaluoy nga mga escriba sa mga Fariseo—Mar. 2:13-17; Luc. 1:78-79:
1. Giisip sa mga Fariseong nagmatarong-sa-kaugalingon nga mga baskog sila; busa, kay nabutaan man sa ilang pagmatarong-sa-kaugalingon, wala sila mahibalo nga mga masakiton diay sila ug nagkinahanglan ni Cristo nga Mananambal—Mat. 9:12-13.
 2. Giatiman sa Ginoo nga Mananambal ang Iyang “mga pasyente” sa pagpasalo kanilag kaon Kaniya, gidala sila nga magpahimulos sa Dios; kombira ang kalipay sa kaluwasan, ang pagpahimulos sa Dios—1 Cor. 5:7-8; Sal. 51:2, 12.
- C. Isip Pamanhonon nga nakig-uban sa mga higala niini, gihimo Niyang masadyaon ug malipayon ang mga magsusunod Niya sa walay pagpuasa—Mar. 2:18-22:

1. Ang tinuod nga kahulogan sa pagpuasa pag-undang mag kaon sa tanang butang nga dili si Ginoong Jesus ug dili na ganahan sa bisan unsang dili Siya—Mat. 6:16-18; Isa. 58:3; Juan 6:57; itandi sa Num. 11:4-7.
 2. Nabatongan ta ni Cristo nga Pamanhonon aron mahimong madaogong pangasaw-onon Niya nga hulad Niya sa pagkahimo Niyang Mananambal nato nga organicong mag-ayo sa tibuok natong pagkatawo nga may tulo ka bahin pinaagi sa kompletong kaluwasan Niya—Rom. 5:10; itandi sa Mal. 4:2:
 - a. Siya ang bag-ong panapton nato nga bag-ong bisti nato nga isul-ob nato ug magpatahom nato sa Iyang Kaugalingon isip hinatag-sa-Dios nga pagkamatarong nato pinaagi sa pag-ula sa bililhon Niyang dugo nga iaplikar kanato aron balaodnon tang matubos—Luc. 15:22; 1 Cor. 1:30; Mat. 9:16.
 - b. Siya ang bag-ong bino nato nga bag-ong kinabuhi nato nga magpuno ug maglipay nato sa Iyang Kaugalingon isip pahat nato nga hinatag-sa-Dios pinaagi sa pagpaambit sa bililhon kaayong kinabuhi Niya kanato aron organico tang maluwas—Huk. 9:13; Mat. 9:17; Col. 1:12.
 3. Dili lang ta pangasaw-onon ni Cristo kondili “mga higala sa pamanhonon” sab (Mar. 2:19) aron mahimong hiniusang “best man” ni Cristo nga Pamanhonon; sa pagpahimulos nato Kaniya nga bag-ong bisti ug bag-ong bino nato, mahimo tang hiniusang “best man” Niya, ang Lawas ni Cristo nga bag-ong tawo.
- D. Gipapangutlo sa Ginoo ang Iyang mga magsusunod sa mga uhay sa trigo sa kaumahan sa Igpahulay, nagtagad sa kagutom sa Iyang mga magsusunod imbis sa tulumanon sa relihiyon; nagpakita kini nga sa pamatigayon sa Dios sa Bag-ong Tugon, dili kini kalabot sa pagtuman sa tulumanon sa relihiyon kondili sa pagpahimulos sa katagbawan diha ni Cristo ug pinaagi ni Cristo isip tinuod nga pahulay sa Igpahulay—vv. 23-28:
1. Ang tinuod nga kahulogan sa pagbantay sa Igpahulay pag-undang man nato sa atong pagbuhat, paghunong sa atong buhat, ug pagpahimulos sa nahuman na sa Ginoo para nato sa pagkaon Kaniya nga tinapay sa Presensya aron matil-ogan ug masangkapan ta—Exo. 25:30.
 2. Wala lalanga ang tawo alang sa Igpahulay; gitudlo hinuon ang Igpahulay alang sa tawo aron mapahimuslan niya kini uban sa Dios; nibuhat una ang Dios unya nipahulay; mopahulay una ang tawo ayha mobuhat—Gen. 2:2-3.
 3. Ang pagbantay sa Igpahulay usa ka timaan nga nagbuhat ang katawhan sa Dios alang Niya dili pinaagi sa kaugalingon nilang kusog kondili sa pagpahimulos Kaniya ug pagkapuno Niya aron mausa Niya; walay kataposang pakigsaad sab kini nga nagpasalig sa Dios nga mausa ta Niya sa pagpahimulos una nato Kaniya ug ayha pa mobuhat uban Niya—Exo. 31:12-17.
- E. Sa Igpahulay gitagad sa Ginoo ang paghatag og alibyo sa nag-antos imbis ang ritwal sa relihiyon; ang magrelihiyoso pagbuhat mag butang alang sa Dios nga walay presensya ni Cristo—Mar. 3:1-6:
1. Dili igsapayan sa Ginoo ang mga tulumanon sa relihiyon, apan ang pag-ayo sa mga bahin sa Iyang Lawas, nga nanginahanglan ug patay man ngani, maoy labing importante Kaniya.
 2. Ang hitabo sa tawo nga nakuyos ang kamot hitabo man sa tawong nahigawas sa usa ka bahin apan dili pa bug-os nga nahigawas; sama sa tawo nga nakuyos ang kamot, kinahanglan hingpit tang ipahigawas.
 3. Ang Ulipon-Manluluwas maoy Tigpagawas nato, nagpagawas nato sa ritwal sa relihiyon ug pagkaulipon sa sala; napahigawas tingali ta sa usa ka bahin, apan sa ubang bahin sa atong kinabuhi nagkinahanglan pa tang ipahigawas sa Ulipon-Manluluwas—Juan 8:32, 36; Rom. 6:12-23; 8:2.

IV. Masumada nato ang lima ka nahisgotang paagi sa pag-alagad sa ebanghelyo sa Ulipon-Manluluwas sa lima ka pulong: *pagpasaylo* (Mar. 2:1-12), *pagpahimulos* (vv. 13-17), *kali-pay* (vv. 18-22), *katagbawan* (vv. 23-28), ug *kagawasan* (3:1-6); masinati nato Siya isip hingpit nga kaluwasan nato ning tanang aspetoha sa paghikap nato Kaniya (5:24-34):

- A. Direkta ngani tang mokontak sa Ginoo, direktang makahikap Niya, mapalatay Siya kanato ingon nga gahom sa Dios nga mag-ayo nato; ang tinuod nga pagtabang sa mga tawo direkta mang pagpahikap kanila sa Ginoo.
- B. Mokontak gyod tang tanan sa Ginoo, makig-ambitay Niya, ug mohikap Niya matag gutlo diha sa atong espiritu aron mahimo Siyang adlaw-adlawng kaluwasan ug matag-gutlo nga sangkap nato aron matukod ang Lawas Niya—Juan 4:24.